

Pɔɔlu kadasi bo i kere fa maari FILIPIIYAFOM ni

¹ Mini Pɔɔlu ni Timoti bo ya ti Yesu Kristo akoom ni, yere sukere ahin kadasi n ma Nyeme minem bo bu wo Filipiya mie kpiri n nu ni, na ba de Yesu Kristo na bu ni yiri ayo kun ni, fa ko tu Kristo jama mafom, ni bu bukafom kere. ² Ya Si Nyeme, ni ya Mibie Yesu Kristo buka am kere na bu ma am ahoreda.

Kabo Pɔɔlu sereeri Nyeme maari Filipiyafom ni

³ Sangga kere bo m ba tenge am jore su, m da Nyeme asi ma am wo. ⁴ Na sangga kere gusu bo m sere Nyeme ma am, m sere i ni ahorejo o, ⁵ dama fite ceen n bo am deeri Kristo labari kpa haari ba ju ni nyuma ni, am abuka m bo ma koro akan Kristo labari kpa n jore akere minem. ⁶ Nyini ti, m la ahoresi ka Nyeme wo am do, yiri boori i bu yoori nyini sakpa ni am nu a, yiri suyo i so a, haari ko ju ceen n bo Yesu Kristo ba kaaki ba ni.

⁷ Sangga kere am jore wo m ahore su wo, nyini ti, kabo m sunsun fa ko am do ni, wo yo daka ka m yo so. Dama am kere abuka m fa ko juma n bo Nyeme afa ama m ka m yo i ni. Haari ni bo kisa m wo dansaraka nu ni, wara sangga bo m nati m koroyanu ni, am bukaari m wo, na ma kan akere mine ka labari kpa n ti nahore wo, adena bu yo yarada nahore su. ⁸ Nyeme di m daani ka am sa wo m ahore su sangga kere a, ka m koro am ni

koro bo Yesu Kristo fa koro ya ni. ⁹ M nyemesere la ka, am sukoro am benngu buka su sanja kere, na am susi Nyeme atin n kere, na am si nahore atin, ¹⁰ adena am si na am koro tambu yi deke bo i ti kpa nahore su, na am yo casi na am la ma ngasi be fa ko een bo Kristo ba kaaki ba ni. ¹¹ Na m susere Nyeme ka Yesu Kristo buka am, na am wo wo kpa, na am suyo sakpa sanja kere, na mine nu i na bu kansi Nyeme na bu wura i kpiri.

Yesu Kristo dee ti ye m la ngoo a

¹² M ninbaam, m koro ka am si ka sa bo wo tu m na m wo dansaraka n nu ti ma tie, nyini ma labari kpa n akoro abara aye a. ¹³ Nyini dee ti, tintinjinafom ni minem kere bo bu wo fen n asi ka, m ti Kristo dee amusuisufo dee ti ye m wo dansaraka nu a. ¹⁴ M dansaraka n nu woowa n awura ya ninbaam dongu kperere kekereke Mibie n dee ti, wo ma ba nya ahoresi abuka su bo bu koro sukan labari kpa n jore sanja kere na bu soro ma sere.

¹⁵ Nahore, koresi ni akuruwa se ti, ye bu nbem kan Kristo labari kpa n jore n a, ama, nbem gusu kan i ni akunnu fofoe wo. ¹⁶ Bere n bo bu yo i ni akunnu fofoe ni, Nyeme koro ti ye bu yo so n a, dama bu si ka Nyeme ma m wo fen a, na m tu ngoni fa ko Kristo labari kpa n jore su. ¹⁷ Nyingam ni, bu kan ma Kristo labari kpa n jore ni bu sunsunni kpa, ama bu bita anyii sunsunni wo, adena bu ma m di wahara dansaraka n nu.

¹⁸ Nyini n kere bo bu suyo i ni, i be mmoo kpie ma m daafiri. Ama, deke bo i yo m fie n la ka,

bu ma Kristo labari kpa ni susandi bara ye buka su wo. Nzen bu kan má i ni bu sunsunni kpa, wara bu kan i ni bu akunnu fofoe, m dɛɛ la ka, sanɔa kere m ahore ti jɔɔwa. ¹⁹ Dama m si ka nyemesere bo am sere Nyeme ma m sanɔa kere n ni buka bo m nya i fite Yesu Kristo Awiewie Casi n do ni, nyini ma m nya m tii a. ²⁰ M fa ahoresi ni tama yo m juma ni anyumboro sanɔa kere, na má nyinse ti m, adena nzen m wuuri, ni bo ma wu má kere, m woowa koro ma mine kansi Kristo dɛɛ duma. ²¹ Mini do, nzen m la ngɔɔ, Kristo dɛɛ ti a, nzen ma wu, i ti m kperɛ wo. ²² Ama, nzen m toko la ngɔɔ ahin durunya n nu fen na m koro yo sa bo i kun kperɛ Nyeme do, nyini yiri, m si má bo m yi ahin deke nnyom nu. ²³ Ma ka afien ni afien wo, dama m koro ka má m wu wo na m ko wo Kristo do, m nu ka nyini n ti ye tara durunya n nu fen bo m wo ni. ²⁴ Ama, nzen m kaaki nie bekun a, amberɛ dɛɛ ti, i ti ye ni ka má m wu, ama, m wo ni m ngɔɔ durunya n nu fen. ²⁵ To. Nyini dɛɛ ti, m si tenle su ka m wu má kisa, m wo bere wo, na m buka am na am koro yo Kristo yarada ni nahore, na am ahore jo. ²⁶ Adena nzen m ba kaaki ba niɛeri am busu bekun, nyini sanɔa, am lá deke bo am koro fa kansi Yesu Kristo, fa ko sa n bo wo yo ama m ni.

²⁷ To, kisa, jore kere bo i wo bere la ka, am ma am woowa ti kabo Kristo labari kpa n kere ka am wo barasu ni, na nzen m ba koro ba niɛeri am busu, wara ma koro aba má n kere, na m ti am jore ka Awiewie Casi n ma am la jinakun-su, na am la sunsunni kun ni anɔɔse, suboro am nyi sutu ngonni kan Kristo labari kpa n jore kere

minem na bu yo yarada. ²⁸ Na má am soro sere fa kɔ am kpɔfom dɔ, am ma am ahore ti siiwa sanga kere, nyini má bu ɲu nu na bu sí ka bu ká ɲgbɛɛn a, ama, amɛɛre yiri, am nyá tiide, dama Nyɛmɛ má am nyá tiide a. ²⁹ Dama Nyɛmɛ ace am aceeri Kristo dɛɛ ti, ka am yo Kristo yarada, má nyini ɲgumi, ama, am kaaki di wahara ma i. ³⁰ Nyini ti, kisa am koro buka m na ya kere kun nyini lue ni. Yiri ye am yo ɲuuri ka m tu i ɲgoni n a, ye kisa am ti ka m toko tu i ɲgoni n a.

2

Kabo Yesu Kristo yikofɔ n yoori i ɲu kaan barasu ni

¹ Kristo wo am nu n dɛɛ ti, yiri ma am ahore si a, na i dɛɛ koro bo i fa koro am ni, da am ahore. Am ni Awiewie Casi n la wo fie, am yo sakpa na am si am beɲgum aɲunfo. ² Nyini dɛɛ ti, m sere am wɔ, jande, am kere fa sunsunni kun, na am koro am beɲgu, na am fa anɔɔse, na m ahorejɔ kó sin su. ³ Má am sunsun kabo am yo na amɛɛre ɲgumi nya i, má am wura am ɲu kpiri, ama, am yo am ɲu kaan, am bu am beɲgu ka bu tara am. ⁴ Má am nie kabo am yo na amɛɛre ɲgumi yo ye, ama, am nie kabo am yo na am beɲgum gusu yo ye. ⁵ Am ma am sunsunni ti kabo Yesu Kristo dɛɛ ti barasu ni. ⁶ I woowa ti kabo Nyɛmɛ woowa ti n wɔ sanga kere, ama, wɔ se má cɛɛn be ka i tú ɲgoni wura i ɲu kpiri na i ni Nyɛmɛ se, ⁷ ama, i keteeri nyini n kere bo má i ti i dɛɛ n wɔ, na wɔ fa i ɲu ayo akɔɔ, na wɔ kaaki adamande. I woowa ti kabo adamande woowa ti barasu n wɔ,

⁸ i yoori i ŋu kaan wɔ, na wɔ de Nyeme noanie ni, haari na wɔ wu yiwee tie, yiri la bo bu kpamaari i baka jaanu n su ni. ⁹ Nyini deɛ ti, ye Nyeme awura i kpiri agaya aye i su angoro ama i duma bo i tara duma kere n a, ¹⁰ adena mine ni deke kere bo bu wo angoro, ni bo bu wo durunya n nu fen, ni bo bu wo asien bu n tiiri Yesu duma ni, bu kutu i na bu su i. ¹¹ Na sɔnɔ kere teke i nɔɔ kan ka Yesu Kristo ti deke n kere Mibie a, nyini wura ya Si Nyeme kpiri a.

Am ma ya woowa ta wein durunya n nu

¹² Nyini deɛ ti, m ninbaa koroowam, am yo deeri m noanie n wɔ sanɔa kere, kisa bo m wo ma am do ni, nyini ti ye ni ka am de m noanie n tara kabo m yo wo am do n a. Tiide n bo am anya i n deɛ ti, am yo Nyeme juma n ni anyumboro, bo i kere ka am anya tiide, na am soro Nyeme. ¹³ Dama Nyeme suyo i juma am ahore su a, na i ma am de i noanie ni, na am yo i koroowa. ¹⁴ Deke kere bo am yo i ni, ma am ŋuŋuti na am se akuruwa, ¹⁵ adena am yo mine casim bo be koro jaraki ma am, na am yo Nyeme nbaam bo am la ma ngasi be na am ma am woowa ti wein, na am wo nyumafɔ satieyofɔ ngbeɛnm n nu, na am ta ka asarambaam. ¹⁶ Na am bita Nyeme noanie ni, yiri ma minem ngɔɔ a. Nzen am yo so, nyini ma m koro bo m hoe fa ko am woowa n su a, cɛɛn n bo Kristo ba kaaki ba ni, na m si ka juma n bo m yiiri anyumboro yoori am nu ni, aka ma ngbeɛn. ¹⁷ Kabo am ayo Kristo yarada, na am sukun am ŋu yo i juma n ni nahore su ni, na haari nzen m wuuri mmɔɔ na am yarada

buka su, m ahore ti jɔɔwa, na i yo m ni amberɛ kɛrɛ fiɛ, ¹⁸ am gusu ma am ahore jɔ kabo m ahore ti jɔɔwa barasu ni.

Timoti ni Ipaforoditosi jɔrɛ

¹⁹ Nzen ya Mibiɛ Yesu soro su, m la ahoresi ka i cɛ má, m súnma Timoti am dɔ na i ba niɛ am busu, na i ba kaaki baari, na m gusu tí kabo am wo ti na m ahore da. ²⁰ Deke bo i ti na m sunma i am dɔ n la ka, be cɛcɛ wo má am nu, yiri ngumi ti bo i buka m su bo i cɛcɛ wo am nu a. ²¹ Bo ba ka n kɛrɛ, bu cɛcɛ wo má Kristo juma n nu, se bu cɛcɛ wo bu sa koroowam nu a. ²² Amberɛ mmɔɔ ni am tii si ka Timoti woowa kere kabo i su Nyɛmɛ atin n su ni nahɔrɛ su, na am si ka m ni yiri saɲga yo juma kabo baa ni i si bo su yo juma n wɔ, adena mine dɔnggu de labari kpa ni na bu yo yarada. ²³ Nyini ti, nzen m ɲuuri m jɔrɛ n kɛrɛ nyaari, m súnma i kisa bere na i ba niɛ am busu. ²⁴ Nzen Mibiɛ n soro su, m la ahoresi ka i cé má, mini mmɔɔ ni m tii bá niɛ am busu.

²⁵ Ma ɲu ka, i ti ye ni ka m súnma ya niwa Ipaforoditosi am dɔ. M ni yiri saɲga yo juma na ya ti ka sojam bo bu buka bu beɲgu lue n nu wɔ, ya Mibiɛ Yesu dɛɛ atin su. Na amberɛ ni am tii sunmaari i m dɔ, na wɔ ba abuka m ni deke kɛrɛ bo m koro ni. ²⁶ I wara ado am, ka i ba niɛ am busu, i ahore akaaki asaaki, dama am yo tiiri ka wɔ da tukpaki. ²⁷ Nahɔrɛ, i tukpaki n wuraari i, kaan sɔ, má wɔ wu. Ama, na Nyɛmɛ asi i aɲunfo, má yiri ngumi, m ni yiri kɛrɛ, adena má m ahore saaki buka su. ²⁸ Nyini dɛɛ ti, ye m koro ka i ba am dɔ ndende, na am ɲu i na am ahore kaaki jɔ bekun, na má m ahore saaki kun. ²⁹ Am de i ni

am saa nnyo ni ahorejo, Mibiε n dεε ti. Na am bu minem kεε bo bu woowa ti kabo i woowa ti barasu ni. ³⁰ Dama Yesu Kristo dεε juma n dεε ti, i yo tɔori i ηgɔɔ ɔ, má wɔ ka kaan sɔ na i wu. I yoori sɔ ni, adena i buka m na i yo deke n bo am akoro ayo má i ni.

3

Sɔnɔ bo i yo sa bo i kɔ atin su Nyεmε dɔ nahɔrε su

¹ M ninbaam, jɔrε bo i wo bεrε la ka, am ma am ahore jɔ kabo am ni Mibiε n ayo kun ni. I ti ye ni ka m kaaki kεε na m tenge am su fa kɔ kabo m yo kεε seeri am ni, dama i ti deke bo i buka am wɔ, na má am wura kekereke nu. ² Am si am ηu sa, ni minem bo bu ti satieyofom na bu ti ka caam ni, na bu ηa nzen sɔnɔ awura má kenkenne, i nya má tiide ni. ³ Yεrε ti Nyεmε minem bo ba wura kenkenne nahɔrε su a, má bεrε, dama Nyεmε Awiewiε Casi ni buka ya ye ya koro su Nyεmε na ya la ahorejo a, fa kɔ kabo ya ni Yesu Kristo ayo kun ni. Nyini ti, ya daafi má sayoowa be ηu fa kɔ aηuniembaa su.

⁴ Mini ni m tii, má m la atin bo m koro se ka m daafi m ηu fa kɔ sayoowam su. Nzen be ηa i la atin, na i daafi i ηu fa kɔ nyini sayoowam su, má m koro se ka, m la atin tara i mi fieo. ⁵ Bu wuuri m ni, m lemɔcue cεen bu wuraari m kenkenne wɔ. M ti Yisarelifo baa a, na m fite Benjamin dεε lεε anɔ n nu wɔ, na m ti Hiburufom anuma a nahɔrε su. M yo ti Farasifom kun wɔ, na m su Nyεmε nɔaniε kpamaawa n su kabo i ti ye ni ka bu su i su

barasu ni. ⁶ M yo bita i ni anyumboro wɔ, kabo m yo na m kere Kristo jama n wuwuruwa ni. Fa kɔ kabo sɔnɔ de Nyemɛ nɔanie kpamaawa n na i su i su nahɔrɛ su, mini la má ngasi be. ⁷ Ama, nyini deke n kere bo m yo buuri bu ka bu la kperɛ ma m ni, Kristo dɛɛ ti, ma ɲu ka bu kere ti ngbɛɛn wɔ kisa. ⁸ I ti nahɔrɛ wɔ ka, ma ɲu ka deke n kere ti ngbɛɛn wɔ, adena m koro si m Mibiɛ Yesu Kristo, yiri tara deke n kere a. Yiri dɛɛ ti, ma yaki deke n kere bo m yo yoori bu n ka bu ti ngbɛɛn wɔ. M niɛ bu kere ka wura a, adena m koro de Kristo ni m saa nnyɔ, ⁹ na m ni yiri yo deke kun nahɔrɛ su. Kisa m koro se má ka m yo sa bo i kɔ atin su Nyemɛ dɔ, kabo Nyemɛ nɔanie kpamaawa n kere ni, ama, kisa, kabo ma yo Kristo yarada n dɛɛ ti, ye Nyemɛ de m ka m yo sa bo i kɔ atin su i dɔ a. Deke n bo i ma i de m ka m yo sa bo i kɔ atin su i dɔ n la bo ma yo i yarada n wɔ. ¹⁰ Deke bo m koro i n kere la ka, m sí Kristo, na m nyá i yiko n bo i koro tengeeri i yiwee n nu ni, na m dí i dɛɛ wahara n bo i diiri n be, na m wú i dɛɛ yiwee n be. ¹¹ Nyini ma m la tama ka mini gusu tɛnge m yiwee nu a.

Kabo ya boro ya nyi na ya nya Kristo aceeri ni

¹² M suse má ka ma du mɔ aju su na m ti kabo Nyemɛ koro ka m ti ni, wara ma du mɔ ayo casí wɔ, ama, m toko boro m nyi wɔ, adena m nya deke n bo i ti na Yesu Kristo afa m ayo i dɛɛ sɔnɔ ni. ¹³ M ninbaam, mini ni m tii suse má ka ma ju su kabo i koro ka m woowa ti barasu n wɔ, se deke kun ye m nyunu aboro i su a, m wara afi dekem kere bo m yo yoori bu n sa, ama,

m sukoro ka m boro m nyi wɔ, na m saa kan deke n bo i wo m nyunu ni. ¹⁴ Nyini ti, m miε m nyi wɔ na m kɔ m nyunu, adena m kɔ ŋu i awieeri, na m nya aceeri n bo Nyeme afere m ama m ŋɔɔ i dɔ ni, Yesu Kristo dεε ti. ¹⁵ I ti ye ni ka yere kere bo ya yarada ti biiwa ni, ya nyunu boro fa kɔ nyini dika. Na nzen am sunsunni ba woori i ŋgunɔgumi, fa kɔ i nɔaniε n su, Nyeme yí i nyi kere am, na am tí i bu. ¹⁶ Ama, bo i wo bere la ka, kabo ya bita Nyeme atin ba ju haari ni nyuma ni, am ma ya toko bita i sɔ.

¹⁷ M ninbaam, am ma am woowa ti kabo m dεε n ti barasu ni. Woowa kpa n bo ya du mɔ afa akere am ni, am nie minem bo bu bita nyini woowa kpa n ni, na am sɔn bu su. ¹⁸ Dama sanɔga kere m nati se am ka, nbem woowa kere ka bu ti Kristo kpɔfɔm wɔ, fa kɔ i yiwee n bo i wuuri i baka jaanu n su ni. Ye kisa m kaaki suse am bekun ni nyunvuin n a. ¹⁹ Nyini minem sɔ, bu nyeme la bu kunnu wɔ, na deke bo má i ti bu nyinse ni, bu fa nyini fa yo yanfɔya. Bu sunsunni kere wo durunya n nu fen nenɔgem ŋgumi sɔ a, nyini ti, bu awieeri, bu ká ŋgbεen wɔ. ²⁰ Ama, yere yiri, ya ti Nyeme dika n bo i wo anɔgoro n nu nbaam wɔ, ye ya sunminda ya Mibie Yesu Kristo, ya Tiidefɔ ni, ni anyumboro, ka i fite Nyeme dika n bo i wo anɔgoro n nu ba. ²¹ Na i bá kaaki ya ahin anunie n bo i wú ni, na i má i yo anunie fɔfɔre barasu be bo i ti kabo i dεε anunie woowa n bo i la jirima n ti barasu ni. I fá i yiko n bo i fa nie deke n kere su ni fá yo nyini kere a.

4

Kabo Pɔɔlu tuuri bu fɔ ni

¹ M ninbaam, m koro am agaya, na m ahore abi ka m ɲu am ni, amɓere ti, ye m ahore ti jɔɔwa sanɓa kere a, amɓere ti m kperere bo ma di i m jumayoowa n nu a. Nyini ti, am bita Mibie n deɛ atin n ni nahore su. ² Yuwodiya, ni Sintiki, m sere am wɔ jande, ka, am fa anɔɔse, dama am ti nibaam wɔ, Mibie n deɛ ti. ³ Tɔ, wɔrɔ gusu bo a ti m matafɔ nahore su ni, m sere u wɔ, ka, a buka nyini nbara nnyom ni, dama bere yiiri anyumboro bukaari m, ye ya kaanri labari kpa n jɔre n a, fa sanɓa ni Kerementi, ni nyingam bo m ni bere sanɓa yo juma ni. Nyeme akere bu kere duma awura ɲɔɔ kadasi n nu. ⁴ Ya Mibie n deɛ ti, am ma am ahore jɔ sanɓa kere, m kaaki suse am bekun wɔ ka, am ma am ahore jɔ. ⁵ Am ma sɔnɔ kere ɲu ka am ti benle, dama Mibie ni káaki ba kisa. ⁶ Má am koko fa kɔ deke be su, ama, am kan am sa bo i ti am miɛewa kere fa kere Nyeme sanɓa kere, na am sere i, na am da i asi am ahore su. ⁷ Am yoori sɔ, Nyeme má am ahoreda bo i la má aɲusu, na i súnie am dika fa kɔ am ahore su ni am sunsunni nu, dama am ni Yesu Kristo ayo kun n deɛ ti.

⁸ M ninbaam, jɔre n bo wɔ ka n la ka, am ma am sunsunni kere wo dekem bo bu ti kpa, na bu la kansu n su. Bere la deke bo i ti nahore, ni bo i la anyunuyi, ni sa bo i kɔ atin su, ni bo i ti casi, ni bo i ti koro sa, ni bo i la jirima. ⁹ Dekem bo am sɔnsɔn bu fiteeri m dɔ ni, ni bo am deeru m dɔ ni, bere la m nɔanie ni, ni m sayoowa ni, am

su bu su na am fa yo juma. Nyeme la ahoreda, yiri wó am do a.

Kabo Pɔɔlu yoori bu anse fa ko bu buka n su ni

¹⁰ Ya Mibiε n dεε ti, m ahore ajo ako asin su, dama wo ce bo m ti má am nga, ama, kisa am akaaki akere ka am cece wo m nu. M si ka sanja kere am cece wo m do, se kabo am yo na am buka m n ye am anya má atin a. ¹¹ Bo m suse so ni, i ti má ka deke be mie m wo ye m sukan so n a, dama nzen m la i, ni bo m la má i kere, m si kabo m tara m nu na m wo barasu. ¹² M si kabo yaari ti sono na i ti barasu, na m kaaki si kabo sono nya i agaya na i ti barasu. Deke kere bo m wo, na sa be atu m, nzen m di na m kunnu yi o, wara nzen m da ahoe o, nzen m la nenje beberebe o, wara i ti kaan o, m si kabo m tara m nu barasu na m nyunu yi i. ¹³ Yesu Kristo maari m fanja n dεε ti ye m koro yo deke n kere a.

¹⁴ Ama, am ayo sakpa, kabo mie tuuri m na m ni ambere kere sanja di wahara ni. ¹⁵ Ambere Filipiyafom si ka fite sanja bo m boori i bu ba kaanri labari kpa n jore kereeri am ni, nyini sin, na m ba fiteeri Makedoniya awore n nu ni, Kristo jama kun n kpein be mmoo ace má m aceeri be, má ka ambere ngumi ceeri m aceeri a. ¹⁶ Sanja bo m toko wo Tesalonika mie kpiri n nu ni, na mie tuuri m ni, am yo sunmaari m do ni aceeri kpe nnyo. ¹⁷ I ti má ka m koro ka sanja kere m sude aceeri fite am do o, ama, m koro ka am yo so, na Nyeme yo am kisi. ¹⁸ Deke n kere bo am fa sunmaari m do ni, m saa akan i, am ace m atara

kabo má m koro ni mmɔɔ. Kisa m koro má pui kun, dama Ipaforoditosi afa am aceeri n kere aba ama m. I ti ka yoowa bo ba yo i ama Nyeme na wo sun i nu ade i ni akunnujo wo. ¹⁹ M Nyeme Feme ni, yiri la nenge ni ajekere kere a, i kere wo Yesu Kristo deɛ jirima nu wo, i má am deke kere bo am fun i. ²⁰ Ya Si Nyeme ni, yiri ti ye ni ka ya kansi i sanɔa kere sanɔa. Ami.

Kabo Pɔɔlu yoori bu anse awieeri su ni

²¹ Am bisa Nyeme minem kere donɔgu ma m. Bere ti Yesu Kristo deɛm a. Ya ninbaam bo bu wo m do fen n bisa am kere donɔgu. ²² Nyeme minem kere bisa am donɔgu, maala bo bu yo juma Romafom Feme Kpiri Siza dika ni. ²³ Ya Mibiɛ Yesu Kristo buka am kere.

ΝΥΣΜΕ ΙΟΡΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022

fe36d0e6-2a60-5e15-8d1c-8bf275389598